

洞仙傳卷一【雲笈七籤卷一百十】

六朝見素子撰

元君

元君者，合服九鼎神丹得道。著經九卷。

九元子

九元子者，鍊紫金合神丹登仙。其經曰：「庚辛經」。

長桑公子

長桑公子者，常散髮行歌，曰：「巾金巾，入天門，呼長精，吸玄泉，鳴天鼓，養丹田」。柱下史聞之曰：「彼長桑公子所歌之詞，得服五星守洞房之道也」。

龔仲陽

龔仲陽者，受嵩山少童步六紀之法。

上黃先生

上黃先生者，修步斗之道，得隱形法。

蒲先生

蒲先生者，常乘白鹿，採芝草於茅山。

茅濛

茅濛字初成，咸陽南關人也。即東卿司命君盈之高祖〔也。濛性慈憫，好行陰德，廉靜博學，鑒逆亡，知周室將衰，不求進諸侯。常歎人生若電流，出處宜及其時，於是師北郭鬼谷先生，受長生之術，神丹之方，後〕入華山，〔靜齋絕塵〕，修道〔合藥〕。後乘雲駕龍，白日昇天。先是其邑歌〔謠〕曰：「神仙得者茅初成，駕龍上昇入太清；時下玄洲戲赤城，繼世〔而〕（面）往在我盈，帝若學之臘嘉平」。秦始皇聞之，因改「臘」曰「嘉平」¹〔以希慕得仙〕。²

¹本條太平廣記卷五著錄，文詳，今據以補足，〔〕中者，即為廣記所有。
三洞群仙錄卷七「初成慈憫」條係刪節，引據廣記，而不記出處。

²「以希慕得仙」據歷世真仙體道通鑑卷六補。

常生子

常生子者，常漱水成³玉屑，服之以昇天。

長存子

長存子者，學道成，為玄洲仙伯。

蔡瓊

蔡瓊字伯瑤，師老子，受太玄陽生符、還丹方，合服得道，白日昇天。常以陽生符活已死之人，但骸骨存者，以符投之即起。

張穆子

張穆子者，修太極上元年紀以昇仙。後以此法授龔叔進、王文卿、尹子房，皆得道。

童子先生

童子先生者，於狄山學道，修浴契鈴經得仙。

九源丈人

九源丈人者，為方丈宮主，領天下水神及陰精水獸蛟鯨之類。

³「成」歷世真仙體道通鑑卷六作「和」。

谷希子

谷希子者，學道得仙，為太上真官。東方朔師之，受閻風、鍾山、蓬萊及神州真形圖。

王仲高

王仲高，常在淮南市行卜，父老傳云：「比世見之」。伍被言於淮南王安，安欣然迎之。謂安曰：「黃帝吾父之長子也。昔師朱襄君，受長生之訣」。即以傳安。⁴

陽生

陽生者，住少室西金門山，山有金嬰漿，服之得道。

⁴案此文刪節殊多，歷世真仙體道通鑑卷六，王仲高條所載，當係洞仙傳之原文，茲逐錄如左：

王仲高，不知何所人也。常在淮南市〔行〕卜，父老傳老世見之。面有童顏。伍被言於淮南王劉安，安聞之欣然，即使召至。被曰：「仲高常在張猛家，臣與猛善，每云仲高性簡正，難請求，不可以勢屈。臣當因猛致之」。安令具車乘，遣被至猛所招焉。猛曰：「王先生昨云：當暫行在近耳，亦時得相見。今已出卜，晚間還」。被待之，須臾便返，見被大笑。謂猛曰：「吾昨云『近別』，正在此客也」。即隨被之安。安出門迎之，東面請受道，便執弟子之禮。仲高曰：「某庸人耳，僅得長生不死之道，他無所能。懼所知淺，不以上獻大王殿下，非有愛之心」。安因請彌至。仲高謂被曰：「吾欲授大王道，王心志浮淺，既不能行，亦不宜聞」。又曰：「黃帝，吾父之長也。昔師朱襄君，受長生之訣，又師黃洞君，受不死之道。於今已六千餘歲矣」。遂以道傳安。仲高後莫知其所之。

西門君惠⁵

西門君者，少好道，明諸讖緯。以開山圖授秦始皇而不能用。

玄都先生

玄都先生者，授仙人黑玉天地鈴經，行而得道。

黃列子

黃列子者，嘗遊獵九江，射中五色神鹿，逐跡尋穴，服而得風仙。

公孫卿

公孫卿者，學道於東梁甫山。一云滋液山。山宮中有合成仙藥，得服之，人立仙。日月之神並在宮中，合藥時頌曰：「玉女斷分劑，蟾蜍主和搗，一丸練人形，二丸顏容好」。〔漢武帝時，方士入海求蓬萊，公孫卿先行，見一老父牽狗，武帝以為仙人也，冀獲其真〕。

6

蔡長孺

蔡長孺者，蜀郡人。夫妻共服十精丸，體氣充盈，年九十，生一男，名度世；一百五十歲，復生一男，名無極。年三百歲，視之如少童。

⁵歷世真仙體道通鑑卷六作「西門君」，下無「惠」字。

⁶〔〕中文，據歷世真仙體道通鑑卷六補。

延明子高

延明子高者，服麋角得仙。

崔野子

崔野子者，服朮以度世。

靈子真

靈子真者，服桃膠〔以〕得仙。⁷

宛丘先生

宛丘先生者，服制命丸得道。至〔殷〕湯之末世，⁸已千餘歲。以方傳弟子姜若春，服之三百年，視之如十五〔歲〕童子。⁹彭祖師之，受其方三首。

馬榮

馬榮者，住梁國穀城中。兩眼赤爛，瞳子不見物，而能明察洞視。北方多病癩，鄉里不容者，來投榮；榮為治之悉差。榮云：「患腳」。常乘〔白〕鹿車，¹⁰行無遠近，不見人〔手〕（牛）推引而車自至。¹¹或一日赴數十處請，而各有一榮。凡與人語，自稱

⁷「以」據歷世真仙體道通鑑卷七補。

⁸〔殷〕據歷世真仙體道通鑑卷六補。

⁹〔歲〕據同書補。

¹⁰「白」據歷世真仙體道通鑑卷二十八補。

¹¹「手」據同書正。

「厄子」。作牽〔車〕三詩，¹² 類乎讖緯。〔宋武帝〕孝建二年三月初，¹³ 作書與兩國人別，至十六日中時果卒。¹⁴

任敦

任敦，博昌人也。少在羅浮山學道，後居茅山南洞。修步斗之道，¹⁵ 及洞玄五符。能役鬼召神，隱身分形。玄居山舍，¹⁶ 虎狼不敢犯。

敬玄子

敬玄子修行中部之道，存道守三一。常歌曰：「遙望崑崙山，下有三頃田；借問田者誰？赤子字元先。上生烏靈木，¹⁷ 雙闕俠兩邊。日月互相照，神路帶中間。採藥三微嶺，飲漱華池泉。遨遊十二樓，偃蹇步中原。意欲觀絳宮，正值子丹眠。金樓 玉几，華蓋與相連。顧見雙使者，博著太行山。長谷何崢嶸，齊城相接。縱我飛龍轡，忽臨無極淵。黃精生泉底，芝草披岐川。我欲將黃精，流丹在眼前。徘徊飲流丹，羽翼奮迅鮮。意猶未策外，子喬提臂牽。所經信自險，所貴得神仙」。

¹²「車」據同書補。

¹³「宋武帝」據同書補。

¹⁴「卒」同書作「化」。

¹⁵歷世真仙體道通鑑卷七作「行斗步之道」。

¹⁶同書作「居山舍」，無「玄」字。

¹⁷「上」歷世真仙體道通鑑作「土」。

帛舉

帛舉字子高。嘗入山採薪，見二白鵠飛下石上，即成兩仙人。共語云：「頃合陰丹成，就河北王母索九 酒服之至良」。子高聞仙人言，就訪王母者，得九 酒。還告仙人，乞陰丹服之，即翻然昇虛，治於雲中，掌雲雨之任。

徐道季¹⁸

徐道季少住鵠鳴山，後遇真人謂曰：「夫學道當巾天青，詠大歷，跣雙白，徊二赤。此〔太素〕五神道之秘事也，¹⁹ 其語隱也。大歷者，三皇文是也。道季修行得道。

趙叔期

趙叔期，不知何許人，學道於王屋山中，遇卜者謂叔期曰：「欲入天門，修三關，存朱衣，正崑崙」。叔期請其要道，因以素書一卷與之，是胎精中記，拜受之，後得道。²⁰

¹⁸歷世真仙體道通鑑卷七作「徐季道」。

¹⁹〔太素〕據同書補。

²⁰案歷世真仙體道通鑑卷七趙叔期條，文頗不同，遂錄於後：趙叔期，不知何許人，學道於王屋山中，時時出民間。聞有卜者在市，叔期往見之，卜者謂叔期曰：「欲入天門，調三關，存蛛衣，正崑崙」。叔期知是神人，因拜扣頭，請其要道。因以一卷書與之，是胎中記，拜受之。後合神丹而昇天。

毛伯道

毛伯道、劉道恭、謝稚堅、張兆期，皆後漢時人也。同於王屋山學道三十餘年，²¹ 共合神丹成，伯道先服，即死；次道恭服之又死。稚堅兆期不敢服，棄藥而歸。未出山，忽見伯道道恭各乘白鹿在山上，仙人執節以從之。二人悲愕悔謝。道恭授以服茯苓方，二人後亦度世。

莊伯微

莊伯微者，〔漢時人〕。²² 少好道，不知求道之方，惟以日入時，正西北向，閉目握固，想崑崙山。積三十年後，見崑崙山人，授以金液方，合服得道。

劉道偉²³

劉道偉，少入 山學道，積十二年，遇仙人試之，將一大石約重萬斤，以一白髮懸之，使道偉臥其下，顏色無異，心安體悅。又十二年，遂賜以神丹，服之昇天。

匡俗

匡俗字子希，少以孝悌著稱，召聘不起。至心學真，遊諸名山。至覆笥山，見山上有湖，周迴數里，多生靈草異物，不可識。其傍

²¹ 「三」歷世真仙體道通鑑卷七作「四」。

²² 「漢時人」據歷世真仙體道通鑑卷七補。

²³ 歷世真仙體道通鑑卷二十作「劉偉道」。

有石井，泉通湖中。又有石鴈，至春秋時，皆能群飛。復有小石筍，中有玉牒，多記名山福地，及得道人姓名。後服食得道。

盧耽

盧耽者，少學道得仙。後復仕，為州治中，每時乘空歸家，到曉則反。州嘗元會，期〔賀〕（會）在列，²⁴時耽後至，迴翔閣前，欲下次，為威儀以擲耽，得一隻履墜地，耽由是飛去。

范豺²⁵

范豺者，巴西閬中人也。久住支江百里洲，修太平無為之道。臨目噓漱，項有五色光起。冬夏惟單衣布。（而）桓溫時頭已斑白。²⁶至宋〔文帝〕元嘉中，²⁷狀貌不變。其占吉凶，雖萬里外事，皆如指掌。或問先生是謫仙邪？云：「東方朔乃黠我，我小兒時數與之狡獪」。又云：「我見周武王伐紂，洛城頭戰，前歌後舞」。宋文帝召見，豺答詔稱「我」，或稱「吾」。元兕初為太子，豺從東宮過，指宮門曰：「此中有博勞鳥，奈何養賊不知」？文帝惡之，豺自盡。江夏王使埋於新亭赤岸岡，文帝令發其棺，看柩無屍，乃悔之。越明年，豺弟子陳忠夜起，忽見光明如晝，而見豺入門，就榻坐。又一老翁後至，豺起迎之。忠〔問〕（門）是誰，豺笑而不答。²⁸須臾，俱出門。豺問忠，比復還東鄉，善護我宅。即百里洲也。

²⁴「賀」據歷世真仙體道通鑑卷七正。

²⁵歷世真仙體道通鑑卷二十八作「范豹」。

²⁶「而」同書作「至」。

²⁷「文帝」據同書補。

²⁸「問」據同書正。

傅先生

傅先生者，學道於焦山中，精思七年，遇太極真人，與之木²⁹，
使以穿一石盤，³⁰厚五尺許，戒云：「石盤穿，仙可得也」。於是晝夜³¹之，積四十七年，鑽盡石穿，仙人來曰：「立志若〔斯〕
（期），³¹寧有不得道者」。即授以金液還丹，服之度世。

石坦

石坦字洪孫，渤海人也。遊趙魏諸名山得道，能分身同時詣十餘家，各家有一坦，所言各異。

鄭思遠

鄭思遠少為書生，善律曆、候緯。晚師葛孝先，受正一法文、三皇內文、五嶽真形圖、太清金液經、洞玄五符。入廬江馬³²山居，仁及鳥獸。所住山虎生二子，山下人格得虎母，虎父驚逸，虎子未能得食，思遠見之，將還山舍養飼。虎父尋還，又依思遠。後思遠每出行，乘騎虎父，二虎子負經書衣藥以從。時於永康橫江橋逢相識許隱，且暖藥酒，³²虎即拾柴然火。隱患齒痛，從思遠求虎鬚，欲及熱插齒間得愈，思遠為拔之，虎伏不動。

²⁹「與之」歷世真仙體道通鑑卷七作與「以」。

³⁰「使以」同書作「使之」。

³¹「斯」據同書正。

³²「且」歷世真仙體道通鑑卷二十四作「具」。

郭志生

郭志生字通明，朱提郡人。晉元帝時，云以四百歲，見之如五十許人。有短卷書滿兩篋中，常負之，多止烏場張績家。每歎曰：「兵荒方生，毒流生民，³³ 將以溝瀆為棺材，蒼蠅為孝子，必然之期，可為痛心」。後二年，孫恩妖亂，冬夏殺害及餓死者，十不遺一。忽謂績曰：「應亡，為吾備粗材器，殯不須釘，材亦不須埋，但送山巖中，、以石鎮材」。後少日而死，績謹依斯教。經數日，績親人自富陽還，見志生騎白鹿山中行，作書與績。

介琰

介琰者，不知何許人也。〔往建安方山〕³⁴ 師白羊公〔杜必〕，³⁵ 受玄白之道，³⁶ 能變化隱形。常隨師入東海，暫過吳，為先主為琰起靜室，³⁷ 一日之中，數過遣人問起居。琰或為童子，或為老翁，無所食啖，不受餉遺。先主欲學其術，³⁸ 琰以帝多內御，³⁹ 遂不傳道法。先主大怒，⁴⁰ 敕縛琰，著車甲轆引弩射之，弩發而繩索獨存，不知琰所之耳。

33 「毒流」歷世真仙體道通鑑卷二十八作「流毒」。

34 「往建安方山」據歷世真仙體道通鑑卷五補。

35 「杜必」據同書補。

36 「玄白」同書作「玄一」。

37 「為先主禮之，先主為琰起靜室」。同書作「吳主孫權禮之，為琰起靜堂」。

38 「先主」同書作「吳王」。

39 「琰以帝多內御」同書作「琰以吳王內御」。

40 「先主」同書作「吳主」。

徐福

徐福字君房，不知何許人也。秦始皇時大苑中，⁴¹ 多枉死者橫道，數有烏如烏狀，〔 〕（御）草覆死人面，⁴² 皆登時〔而〕活。⁴³ 有司奏聞，始皇使使者齎此草以問北郭鬼谷先生，先生云：「是東海中祖洲上不死之草，生瓊田中，一名養神芝，其葉似菰，生不叢，一株可活一人」。始皇於是乃謂可索得，因訪求精誠，〔得〕道士徐福，⁴⁴ 發童男童女各五百人，率樓船等入海尋祖洲，不返，不知所在。逮沈羲得道，黃老遣福為使者，乘白虎車，度世君司馬生乘龍車，侍郎簿延乘白鹿車，俱來迎，〔由是後人知福得道〕。

45

車子侯

車子侯者，扶風人也。漢武帝愛其清淨，稍遷其位至侍中。一朝語家云：「我今補仙官，此春應去，⁴⁶ 至夏中當暫還，還少時復去」。〔果〕如其言。⁴⁷ 武帝思之，乃作歌曰：「嘉幽蘭兮延秀，蕈妖媯兮中澹，⁴⁸ 華斐斐兮麗景，⁴⁹ 風徘徊兮流芳。皇天兮無慧，至人逝兮仙鄉。天路遠兮無期，不覺涕下兮霑裳」。

41 「苑」歷世真仙體道通鑑卷六作「苑」。

42 「 」據同書正。

43 〔而〕據同書補。

44 「得」據同書補。

45 「由是後人知福得道」，據同書補。

46 「應去」歷世真仙體道通鑑卷七作「當去」。

47 〔果〕據同書補。

48 同書「蕈」作「簞」，「澹」作「臧」。

49 「華」同書作「日」。

蘇耽

蘇耽者，桂陽人也。少以至孝著稱，母食欲得魚羹，耽出湘州市買，去家一千四百里，俄頃便返。耽叔父為州吏，於市見耽，因書還家，家人大驚。耽後白母曰：「耽受命應仙，違遠供養。作兩大櫃留家中，若欲須食，扣小櫃；欲得錢帛，扣大櫃」。是所須皆立至，鄉里共怪其獨如此，白官遣吏，檢櫃無物，而耽母用之如故。先耽將去時云：「今年大疫，死者略半，家此井水，飲之無恙」。果如所言，合門元吉。母年百餘歲終，聞山上有人哭聲，服除乃止。百姓為之立祠矣。

張巨君

張巨君者，不知何許人也。〔時有〕許季山得病不癒，⁵⁰ 清齋祭〔太〕山請命，⁵¹ 晝夜祈訴，忽有神人來問曰：「汝是何人？何事苦告幽冥？天使我〔來〕問，⁵² 汝可以實對」。季山曰：「僕は汝南平輿許季山，⁵³ 抱疾三年，⁵⁴ 不知罪之所在，故到靈山，請決死生」。神人曰：「我是仙人張巨君，⁵⁵ 吾有易道〔卜筮〕，可以射知汝禍崇所從」。⁵⁶ 季山因再拜請曰：「幸蒙神仙迴降，願垂告示」。巨君為筮卦，遇 之 ，初九、六二、六三，〔三爻〕

⁵⁰ 「時有」據談刊太平廣記卷三十三張巨君條補。

⁵¹ 「太」廣記作「泰」。

⁵² 「來」據廣記補。

⁵³ 「汝南」廣記作「東南」。作「汝」是。

⁵⁴ 「抱疾」廣記作「抱病」。

⁵⁵ 「仙人」談刊廣記同，宋鈔廣記作「仙神」。

⁵⁶ 廣記無「射」字。歷世真仙體道通鑑卷七「可以」作「卜筮」。案彼此互脫二字，今據補「卜筮」於「可以」上。

有變。⁵⁷ 巨君曰：「汝是無狀之人，病安得愈乎」！⁵⁸ 季山曰：「願為發之」。巨君曰：「汝曾將客東行，為父報仇，於道殺客，內空井中，⁵⁹ 大石蓋其上。此人上訴天府，以此病謫汝也」。季山曰：「實有此罪」。巨君曰：「何故爾耶」？季山曰：「父〔昔〕（有）為人所搏，⁶⁰ 恥蒙此以終身；時與客報之，未至，客欲告怨主，所以害之」。巨君曰：「冥理難欺，汝勤自首。⁶¹ 吾還山為請命」。季山漸愈，巨君傳季山筮訣，遂⁶² 善於易占。但不知求巨君度世之方，惜哉！

馮伯達

馮伯達者，豫章建昌人。世奉孝道，精進濟物。道民陳辭，得旨與戴矜生相似，⁶³ 又是同時人也。〔宋文帝〕元嘉中，⁶⁴ 伯達下都後，寄〔載〕（戴）鄉人還南，⁶⁵ 行至梅根，阻風連日。伯達謂船主曰：「欲得速至家，但安眠，慎勿開眼」。其夜聞舫下刺樹杪而不危抗，竊有窺者，見兩龍俠梁翼船，迅若電逝，未曉到舍。伯達尋入廬山不返。

⁵⁷ 「三爻」據廣記補。

⁵⁸ 廣記無「乎」字。

⁵⁹ 「內」宋鈔廣記同，談刊作「納」。古今字通。

⁶⁰ 「昔」據廣記正。「搏」歷世真仙體道通鑑卷七作「搏」。

⁶¹ 「汝勤自首」廣記作「汝自勤修」，以廣記為長。

⁶² 「筮訣」歷世真仙體道通鑑卷七作「筮卦卜」。

⁶³ 「戴矜生」歷世真仙體道通鑑卷二十八作「戴矜」。

⁶⁴ 「宋文帝」據同書補。

⁶⁵ 「載」據同書正。

韓越

韓越者，南陵冠軍人也。心慕神仙，形類狂愚，隨師長齋誦詠，口不輟響。常著屐行無遠近，入山或百日、五十日還。家人問越，未嘗實對。後鄉人斫枯木作弓，於大陽山絕崖石室中，見越與六七仙人讀經。越後〔自〕山中還，⁶⁶於巒村暴亡，家迎〔喪〕，⁶⁷覺棺輕，疑非真尸，發看，唯竹杖耳。宋〔孝武帝〕大明中，⁶⁸越鄉人為臺將北使，於青州南門遇越，容貌更少。共語移時，訪〔問〕親表存亡，悲欣凝然。越云：「吾婦患嗽未差，今因與卿散一裹，令溫酒頓服之」。臺將還都，〔番下〕具傳越言，⁶⁹而越婦服散，嗽即愈。

郭璞

郭璞字景純，河東人也。王敦欲反，使之占夢。曰：「吾昨夢在石頭外江中扶犁耕，卿占之」。璞曰：「大江扶犁耕，耕亦自不成；反亦無所成」。敦怒謂璞曰：「卿自占命盡何時」？璞曰：「下官命盡今日」。敦令誅璞。璞謂五伯曰：「吾年十三時，於柵塘脫袍與汝，言吾命應在汝手中，汝可用吾刀」。五伯感昔深惠，銜涕行法。殞後三日，南洲市人見璞貨其平生服飾，與相識共語。敦聞之不信，使開棺，無尸。璞得尸解之道，今為水仙伯。

⁶⁶「自」據歷世真仙體道通鑑卷二十八補。

⁶⁷「喪」據同書補。

⁶⁸「孝武帝」據同書補。

⁶⁹同書無「番下」二字。

戴孟

戴孟字成子，武威人也。漢武帝時，為殿中將軍。本姓燕，名濟，字仲微。得道後，改姓名。入華陰山，⁷⁰ 受秘法於清靈真人裴君，得玉佩金璫經，石精金光符。仙人郭子華、張季連、趙叔達、山世遠，常與之遊處。

郭文舉

郭文舉河內軹人。少愛山水，常游名山，觀華陰石室。洛陽陷，入吳居大辟山。停木於樹，苦覆而止。時猛獸為暴，文舉居之十餘年無患。丞相王導使迎至京師，朝士咸共觀之。文舉頽然箕踞，旁若無人。周顛問曰：「猛獸害人，先生獨不畏邪？」文舉曰：「吾無害獸之心，故獸不害人」。周顛、庾亮、桓溫、劉恢共歎〔曰〕⁷¹：「文舉雖無〔賢〕（賢）人之才，⁷² 而有賢人之德」。〔晉成帝〕咸和元年，⁷³ 懇求還山，導不許。復少日，遁入臨安白土山。明年，蘇峻作亂，時人謂文舉逆知故去也。有老子經二卷，縑盛懸屋，未嘗見讀之。山外人徐凱，師事文舉受籙。籙上將軍吏兵，並見形於凱使役之，〔又令〕（今）凱見社神，⁷⁴ 戒凱曰：「不可有房室，不復為卿使」。凱後娶暨氏女，諸神即隱。唯餘籙吏二人，不復從命，語凱云：「汝違師約，天曹已攝吏兵，留我等守太上籙，不復可使」。文舉亡，如蟬蛻。山下人為之立碑。文舉書葉上著

⁷⁰ 歷世真仙體道通鑑卷七作「華陽山」。

⁷¹ 「曰」據歷世真仙體道通鑑卷二十八補。

⁷² 「賢」據同書正。

⁷³ 「晉成帝」據同書補。

⁷⁴ 「又令」據同書正。

金雄詩、金雌記，後人於其所住 席下得之，次第尋看，讖緯相似，乃傳於世。

姚光

姚光者，不知何許人也。得神丹之道，能分散形影，坐在立亡，火之不焦，刀之不傷。吳王身臨試之，積荻數千束，令光坐荻千束，旅裏十餘重火焚之，⁷⁵ 煙焰翳日，觀者盈都，咸謂光為煨燼矣。火息後，見光從灰中振衣而起，神容晏如也。手把一卷書，吳主讀不能解，後不知所之。

徐彎

徐彎者，吳郡海鹽人也。少有道，⁷⁶ 能收束邪精。錢塘人杜氏女患邪，彎〔為作法〕召魅，⁷⁷ 即見〔一〕丈夫著白俠葛單衣入門，⁷⁸ 彎一叱，即成白龜。一旦，與群從兄弟數人，登石崎山斫春柴，日暮，彎不返，明旦尋覓，〔忽〕見彎在山上，⁷⁹ 腋挾鎌，倚〔樹〕而不動。⁸⁰ 或乃抱彎，⁸¹ 唯有空殼。⁸²

⁷⁵ 歷世歷世體道通鑑卷十六作「令光坐其中，四面發火焚之」。

⁷⁶ 「」歷世真仙體道通鑑卷十六作「術」。

⁷⁷ 「為作法」據同書補。

⁷⁸ 「一」據同書補，又「俠」作「夾」，「單衣」作「裘衣」。

⁷⁹ 「忽」據同書補。

⁸⁰ 「樹」據同書補。

⁸¹ 「或」同書作「遂」。

⁸² 「有」同書作「存」。

丁令威

丁令威者，遼東人也。少隨師學，得仙道，分身任意所欲。嘗暫歸，化為白鶴，集郡城門華表柱頭，言曰：「我是丁令威，去家千歲今來歸；⁸³ 城郭如舊人民非，何不學仙離塚纍」。〔遂高飛冲天而去〕。⁸⁴ 夫左元放為羊，令威為鶴，斯並一時〔變化〕之跡耳，⁸⁵ 非永為羊鶴也。遼東諸丁譜，載令威漢初學道得仙矣。

王嘉

王嘉字子年，隴西安陽人也。久在於東陽谷口，攜弟子登崖穴處，御六，守三一；冬夏不改其服，顏色日少，符堅累徵不就。堅尋大舉南征，以弟融為大將軍，⁸⁶ 遣人問嘉，〔嘉〕曰⁸⁷：「金堅火強」。仍乘使者馬，〔正〕衣冠徐徐東行數百步，⁸⁸ 因墮其衣裳，奔馬而還，踞床而不言。堅又不解，更遣人問世祚云何？嘉曰：「未央」。堅欣然以為吉徵。明年歲在癸未，堅大敗於壽春，遂亡秦國。是殃在末年也。以秦居西為金，晉都南為火，火能鑠金也。嘉尋移嵩高山。姚萇定長安，問嘉朕應九五不？嘉曰：「略當得」。萇大怒曰：「小道士答朕不恭」。有司奏誅嘉及二弟子。萇先使人隴右，逢嘉將兩弟子，計已千餘里，正是誅日。嘉使書與萇，萇令發嘉及二弟子棺，並無尸，各有竹杖一枚。萇尋亡。

⁸³ 「歲」歷世真仙體道通鑑卷十一作「載」。

⁸⁴ 「遂高飛冲天而去」遂同書補。

⁸⁵ 「變化」據同書補。

⁸⁶ 「弟融」歷世真仙體道通鑑卷二十八作「茅融」，非。

⁸⁷ 「嘉」據同書補。

⁸⁸ 「正」據同書補。

寇謙之

寇謙之者，不知何許人也。弱年好道，入東嶽岱宗山，精苦累年，一旦，得真人分以成丹，白日昇天。謙之符章，救治百姓神驗，于今北方猶行其道者多焉。

董幼

董幼者，海陵人也。兄弟三人，幼最小。早喪父，幼母偏念其多病，不能治家，年十八，謂母曰：「幼病因不可卒愈，徒累二兄，終不得活，欲依道門灑掃，以度一世」。母許之。幼在師家，恭謹勤修，長齋篤學，未嘗暫怠，遂洞明道術。年四十一，夜有真人降授幼水行不溺之道，以一馬鞭與幼，令幼以鞭水行於水上，如行平地。晉〔安帝〕義熙中，⁸⁹ 幼還家辭母云：「幼已得道，不復留人間，今還與家別」。母曰：「汝應往何處去？復幾時可還」？幼曰：「應往峨嵋山更受業，未有歸期」。中表鄉 共送幼至區陽西江，見幼鞭水而行，漸漸而遠，顧謂二兄曰：「世世傳道業矣」。

劉

劉 者，不知何許人也。長大多鬚，垂手下膝。久住武當山，去襄陽五百里，旦發夕至。不見有所修為，頗以藥術救治百姓。能勞而不倦。用藥多自採，所識草石，乃窮于藥性。雍州刺史劉道產忌其臂長，於襄陽錄送〔京師〕，⁹⁰ 文帝每旦檻車載將往山採藥，暮還廷尉。後以兩短卷書與獄吏，吏不敢取，焚之。一夜，失 ，關鑰如故。閭闔門吏行夜得 ，送廷御。 語獄吏云：「官尋

⁸⁹「安帝」據歷世真仙體道通鑑卷二十八補。

⁹⁰「京師」具歷世真仙體道通鑑卷十二補。

殺我，殯後勿釘棺也」。後果被殺。死數日，文帝疑此言，不見尸，但有竹杖耳。

王質

王質者，東陽人也。入山伐木，〔至信安郡石室山〕，⁹¹ 遇見石室中有數童子圍碁歌笑，質聊置斧柯觀之，童子以一物如棗核與質，令含咽其汁，便不覺飢渴。童子云：「汝來已久，可還」。質取斧柯，爛已盡，質便歸家，計已數百年，〔親舊零落，無復存者。復入山得道。百餘年，人往往見之，後亦昇天而去〕。⁹²

⁹¹ 「至信安郡石室山」據歷世真仙體道通鑑卷二十八補。

⁹² 「親舊零落」以下二十七字，據同書補。

洞仙傳卷二〔雲笈七籤卷一百一十一〕

六朝見素子撰

于吉

于吉者，瑯 人也。〔先名室，後改名吉〕。⁹³ 其父祖世有道術，不殺生命。吉精苦有踰於昔人。常遊於曲陽流水上，得神書百餘卷，皆赤界白素，青首朱目，號曰太平青籙書。⁹⁴ 〔吉後寓居會稽〕。⁹⁵ 孫策平江東進襲會稽，見士民皆呼吉為于郎，事之如神。策招吉為客在軍中。將士多疫病，請吉水飲漱 差。策將兵數萬人欲迎獻帝，討曹公，使吉占風色，每有神驗。將士咸崇仰吉，且先拜吉後朝。策見將士多在吉所，因怒曰：「吾不如于君耶」？乃收吉。責數吉曰：「天久旱，水道不通，君不同人憂，安坐船中作鬼

⁹³ 「先名室，後改名吉」，據歷世真仙體道通鑑卷二十補。

⁹⁴ 「太平青籙書」同書作「太平青領書」。三國志裴注引志林作「太平青領道」。

⁹⁵ 「吉後寓居會稽」，據同書補。

態，束吾將士，敗吾部曲，今當相除」。即縛吉暴〔日中〕，⁹⁶ 使請雨，若能感天，今日中大雨者，當相原，不爾加誅。俄而雲興雨霽，〔江〕〔至〕中漂〔泛〕〔沒〕。⁹⁷ 將士共賀吉。策遂殺之。將士涕泣收葬，明旦往視，失尸。策大愴恨，從此常見吉在其前後。策尋為許貢伏客所傷，照鏡，見吉在鏡中，因掬鏡大叫，胸創裂而死。世中猶有事于君道者。

昌季

昌季者，不知何許人也。入山擔柴，崖崩墮山下，尚有微氣，〔其〕婦來見之，⁹⁸ 涕泣哀慟。仙人尹伊聞之，愴然謂婦曰：「吾是仙人，能治汝」。⁹⁹ 即以角煎賜之，¹⁰⁰ 並付其方，藥盡未差，可隨合作也。能長服之，令人神仙。婦以藥治季，即愈。季合藥服之千日，忽然飛昇，婦流涕追之，顧謂婦曰：「道與世殊，卿善自愛敬」。婦慨然復合藥，服之三年，便復飛去，至蓬萊山見季，季曰：「知卿當來爾」。

王子喬

王子喬者，河東人也。漢明帝時為尚書郎，出為葉縣令。¹⁰¹ 漢法，畿內長吏節朔還朝；每見子喬先生至，不見有車馬跡而怪之。

⁹⁶ 「日中」，據同書補。

⁹⁷ 「江中漂泛」，據同書正。三國志裴注引搜神記作：「大雨總至，溪澗盈溢」。

⁹⁸ 「其」據歷世真仙體道通鑑卷二十一補。

⁹⁹ 「婿」同書作「夫」。

¹⁰⁰ 「魚煎」同書作「藥」一字。

¹⁰¹ 曾慥類說卷三王氏神仙傳「王喬有三」條作「葉令」。三洞群仙錄引王氏神仙傳凡二條，一作「葉縣令，漢顯宗時」。記天降玉棺事。一作「鄴

明帝密使星官占候，輒見雙鳧從東南飛來，乃羅得一隻履，時人異之。

杜契

杜契字廣平，京兆〔杜陵〕人也。¹⁰²〔漢靈帝〕建安初，¹⁰³渡江依孫策，後孫權用為立信校尉。黃武二年起學道，¹⁰⁴師介琰，受黃白術。¹⁰⁵久久能隱形遁。¹⁰⁶後居茅山之東，時與弟子採伐，貨易山場市里，¹⁰⁷而不能知之。數入洞中得仙。

范幼冲

范幼冲者，遼西人也。〔曾為漢尚書郎，善解地理〕。¹⁰⁸受太素胎化易形之道。長旦旦存青白赤三，各如縵從東方日下，直入口中，搗之九十過，自飽便〔止〕（上）。¹⁰⁹行之十年得道，¹¹⁰其法約，其事驗，太素秘道也。

縣令，漢明帝時」。所記即此條之事。案顯宗即明帝，後漢書方術列傳七十二上王喬傳，所記即此二事，作「葉令」。王子喬事則見劉向列仙傳。

¹⁰²「杜陵」據歷世真仙體道通鑑卷十五補。

¹⁰³「漢靈帝」據同書補。

¹⁰⁴「起」同書作「契」。

¹⁰⁵「黃」同書作「玄」。

¹⁰⁶「久久」同書作「久之」。

¹⁰⁷「貨易山場市里」同書作「貨易衣糧」。

¹⁰⁸「曾為漢尚書郎，善解地理」。據歷世真仙體道通鑑卷二十補。

¹⁰⁹「止」據同書正。

¹¹⁰「行之十年得道」據同書作「行之十年，身中自有三色之氣，遂得神仙」。

青谷先生

青谷先生者，不知何許人也。常修行九息服氣之道，後合爐火大丹，服之得道。一旦，天降劉文饒於寢室，授其杖解法，得入太華山。文饒名寬，弘農人也。仕後漢，位至司徒太尉。視民如赤子，怒不形顏，口無疾言，好行陰德，拯寒困，萬民悅而附之如父母焉。

111

夏馥

夏馥者，不知何許人也。¹¹²少好道，常服朮和雲母。後入吳山，遇赤須先生，傳之要法。¹¹³又遇桐真人，授之黃水雲漿法，行之得道。馥少時被公府辟〔召，懸辟〕書〔致〕於桑樹乃去。¹¹⁴當時咸服其高邁。

劉諷

劉諷字偉惠，潁川人也。師季主，服日月精華。得道後，歸鄉里，託形杖履而去。

¹¹¹案歷世真仙體道通鑑卷二十分劉文饒事為另一條。

¹¹²歷世真仙體道通鑑卷二十作「夏馥字子冶，陳留人也」。後漢書卷六十七作「陳留圉人也」。

¹¹³「遇赤須先生傳之要法」同書作「從赤須先生授煉魂法」。

¹¹⁴「召，懸辟」據同書補。「致」字衍。

展上公

展上公者，不知何許人也。學道於伏龍地，乃植〔柰〕（李），¹¹⁵ 彌滿所住之山。上公得道，今為九宮〔內〕右保司。¹¹⁶（其）常白諸仙人云¹¹⁷：「昔在華陽下，食白〔柰〕（李）美；¹¹⁸ 憶之未久，忽已三千歲矣」。郭四朝後來住其處，又種五果。上公云：「此地善，可種柰。所謂福鄉之柰，可以除災癘」。

周太賓姜叔茂附¹¹⁹

周太賓、巴陵侯姜叔茂者，並不知何許人也。¹²⁰ 學道在句曲山，種五果五〔辛〕菜，¹²¹ 貨之以市丹砂。今姜巴地多非薤，即其〔遺〕種〔也〕。¹²² 二人並得仙。叔茂曾作書與太極官僚云：「昔學道於鬼谷，得道於少室，養翮於華陽，待舉於逸域。時乘 車，¹²³ 宴于句曲。〔悟言永歎，代謝之速，物存人亡，我勞如何〕？」¹²⁴ 太賓〔有才藝〕，善鼓琴，〔能彈〕（昔揮）獨絃（乃彈）而八音和。¹²⁵ 以教麋長生、孫廣田，即登也。¹²⁶ 二人後皆得道爾。

¹¹⁵「柰」據天中記卷五二所引改。

¹¹⁶「內」據歷世真仙體道通鑑卷四補，又「保司」同書作「司保」。

¹¹⁷體道通鑑及天中記皆無「其」字。

¹¹⁸「柰」據天中記所引改。

¹¹⁹歷世真仙體道通鑑卷六分作兩條。

¹²⁰同書作「周太賓，秦時道士也，同姜叔茂學道於句曲山」。又姜叔茂條引真誥曰「秦時道士周太賓，及巴陵侯姜叔茂者，來往句曲山下」。

¹²¹「辛」據同書補。

¹²²「遺」「也」據同書補。

¹²³「車」同書作「輪」。

¹²⁴據同書姜叔茂條補。

¹²⁵據同書周太賓條補正。

¹²⁶「即登也」同書作小註「廣田即孫登也」。

郭四朝

郭四朝者，〔周時〕燕人也。¹²⁷〔兄弟四人同學道，四朝居長〕。¹²⁸秦時得道，來句曲山南，所住處作塘遏澗水，令深基遮垣墻，今猶有可識處。四朝乘小船遊戲其中，每扣〔舷〕（船）而歌。¹²⁹其一曰：「清池帶雲岫，¹³⁰長林鬱青蔥。玄鳥翔幽野，¹³¹悟言出從容。鼓楫揚神波，¹³²稽首乘晨風。¹³³未獲解脫期，逍遙丘林中」。¹³⁴其二曰：「浪神九陔外，研道遂全真。戢此靈鳳羽，藏我華龍鱗。高舉方寸物，萬吹皆垢塵。顧哀朝生輩，¹³⁵孰盡汝車輪」。其三曰：「遊空落飛，虛步無形方。圓景煥明霞，九鳳唱朝陽。揮翮扇天津，〔掩靄〕（菴靄）慶雲翔。¹³⁶遂造太微戶，¹³⁷挹此金梨漿。逍遙玄陔表，不存亦不亡」。其四曰：「駕舞神霄，批霞帶九日。高皇齊龍輪，遂造九華室。神虎洞瓊林，¹³⁸香風合成一。¹³⁹開闔幽冥戶，靈變玄滅」。¹⁴⁰

¹²⁷「周時」據歷世真仙體道通鑑卷六補。

¹²⁸「兄弟四人同學道，四朝居長」，據同書補。

¹²⁹「舷」據同書正。

¹³⁰「雲」同書作「靈」。

¹³¹「翔」同書作「藏」。

¹³²「揚」同書作「乘」。

¹³³「乘」同書作「希」。

¹³⁴「丘林」同書作「林丘」。

¹³⁵「輩」同書作「惠」，玄品錄作「蠅」。

¹³⁶「掩靄」據同書正。

¹³⁷「戶」同書作「字」。

¹³⁸「洞」同書作「動」。

¹³⁹「香風」玄品錄作「風雲」。

¹⁴⁰「玄滅」同書作「玄滅」。

張玄賓

張玄賓者，定襄人也。〔魏武帝時〕曾舉茂才，¹⁴¹〔歸鄉里〕，¹⁴²始師西河薊公，¹⁴³受服朮行洞房白元之事。後遇樊子明於少室山，授以遁變隱景之道。昔在天柱山，今來華陽內為理禁伯。〔理禁伯者〕，¹⁴⁴主諸水雨官。玄賓善談空無，〔云〕¹⁴⁵：「無者大有之宅，小有所以生焉。積小有以養小無，見大有以本大無。有有亦無焉，無無亦有焉。所以我目都不見物，物亦不見無。寄有以成無，寄無以得無；於是無則無宅也，太空亦宅無矣。我未生時，天下皆無也」。〔其所論端據如此〕，¹⁴⁶桐 諸靈仙，亦不能折之。白云：「曾於蓬萊遇宋晨生，論無粗得其意也」。

趙威伯

趙威伯者，東郡人也。少好道，受業於邯鄲張先生。挹日月之景，服九雲明鏡之華得道，來入華陽內為保命丞。河圖云：「吳楚多有得見太平者」。常語人云：「此論不虛，此驗不久」。其所存明鏡，非世間常法。又善嘯，聲若衝風之擊長林，眾鳥之群鳴。〔時在天帝壇上，長嘯呼風〕。¹⁴⁷須臾，歸雲四集，¹⁴⁸零雨其濛。

¹⁴¹「魏武帝時」據歷世真仙體道通鑑卷二十一補。

¹⁴²「歸鄉里」據同書補。

¹⁴³「始師」同書作「師事」。「薊公」玄品錄卷二引作「蘇公」。

¹⁴⁴「理禁伯者」據同書補。

¹⁴⁵同書作「玄賓善談空云」，當脫「無」字，此脫「云」字，因據補。

¹⁴⁶「其所論端據如此」據同書補。

¹⁴⁷「時在天地壇上，長嘯呼風」。據歷世真仙體道通鑑卷二十補。

¹⁴⁸「歸雲四集」同書作「雲翔其上」，並增「或冥霧四合」五字。

樂長治

樂長治者，不知何許人也。¹⁴⁹ 仕漢桓帝至中書侍郎。後師中嶽李先生，受步七元法，修之得道。

杜曷

杜曷字叔恭，吳國錢塘人也。年七八歲，¹⁵⁰ 與時輩北郭戲。¹⁵¹ 有父老招曷曰：「此童子有不凡之相，昔吾已老，不及見之」。曷早孤，事後母至孝，有聞鄉郡，¹⁵² 三禮命仕不就。¹⁵³ 歎曰：「方當人鬼殽亂，非正一之，无以鎮之」。於是師餘陳文子，受治為正一弟子。救治有效，百姓咸附焉。後夜中有神人降云：「我張鎮南也。汝應傳吾道法，故來相授諸秘要方」。〔典〕陽平治。¹⁵⁴ 曷每人靜燒香，能見百姓三五世禍福，說之了然。章書符水，應手即驗。遠近道俗，歸化如雲。十年之內，操米戶數萬。晉大傅謝安，時為吳興太守，見黃白光以問曷，曷曰：「君先世有陰德於物，慶流後嗣，君當位極人臣」。尚書令陸納，世世臨終而並患侵淫瘡。納時年始出三十，忽得此瘡，曷為奏章云：「令君大得過」。授納靈飛散方，納服之，云年可至七十。大司馬桓溫北伐，問以捷不？曷云：「公明年三月專征，當挫其鋒」。溫至坊頭，¹⁵⁵ 石門不開，水涸糧盡，為鮮卑所攝。謂弟子桃葉云：「恨不從杜先生言，遂至此敗」。符堅未至壽春，車騎將軍謝玄領兵伐堅，問以勝負。曷云：

¹⁴⁹ 歷世真仙體道通鑑卷二十作「東卿司命君鄉里人也」。

¹⁵⁰ 歷世真仙體道通鑑卷二十二作「年十八歲」。

¹⁵¹ 同書作「與時輩戲北郭」。

¹⁵² 「有聞」同書作「名聞」。

¹⁵³ 「三禮命」同書作「三辟命」。

¹⁵⁴ 「典」據同書補。

¹⁵⁵ 「坊」同書作「枋」。

「我不可往，往必無功；彼不可來，來必覆敗。是將軍效命之秋也」。堅果散敗。盧諫自稱先生，常從弟子三百餘人。曷以白桓溫，諫〔乃〕協東治老木之精，¹⁵⁶ 術惑百姓，比當逼宮闕，然後乃死耳。〔晉簡文帝〕咸安中，¹⁵⁷ 諫夜半從男女數百人，直入宮，稱海西復位。一時間官軍誅剿，溫方歎伏。後桓沖欲引曷息該為從事，曷辭曰：「吾兒孫並短命，不欲令進仕。至曾玄孫方得吾福耳」。曷曰：「吾去世後，當〔有〕（以）¹⁵⁸ 假吾法以破大道者，¹⁵⁹ 〔亦〕（赤）是小驅除也。¹⁶⁰ 與黃巾相似，少時消滅」。素書此言，函封付妻馮氏：「若有災異可開示子姪，勤修德自守」。〔安帝〕隆安中，瑯琊孫泰以妖惑陷咎及禍延者眾。曷忽彌日聚集，縱樂無度。¹⁶¹ 書吏崇桃生市凶具，令家〔人〕作衣衾。¹⁶² 云：「吾至三月二十六日〔日〕中當行。」¹⁶³ 體尋小惡，至期，於寢不覺，尸柔〔絕〕（潔）。¹⁶⁴ 諸道民弟子為之立碑，諡曰：「明師」矣。

盧謙

盧謙者，魏郡人也。性縱誕，不恥惡衣食，好飲酒，不擇精。常吟曰：「風從牖中入，酒在杯中搖。手握四十九，靈光在上照。巍巍藜藿下，獨向冥理笑」。又曰：「進不登龍門，退不求名位。」

¹⁵⁶ 「乃」據同書補。

¹⁵⁷ 「晉簡文帝」據同書補。

¹⁵⁸ 「有」據同書正。

¹⁵⁹ 「亦」據同書正。

¹⁶⁰ 「安帝」據同書補。

¹⁶¹ 「度」同書作「厭」。

¹⁶² 「人」據同書補。

¹⁶³ 「日」據同書補。

¹⁶⁴ 「絕」據同書正。

无以消天日，¹⁶⁵ 常作巍峨醉」。精於易占，常在建康後巷許新婦店前，筮一卦一百錢；日限錢五百止，次卦千錢不為也。謙母住尚方門外路西，有養女三四人自料理。謙日日送錢三百供養母，餘錢二百，謙以飲酒，乞與貧寒。晉海西〔公〕旦出，¹⁶⁶ 見赤蛇盤于御，俄爾失蛇，詔謙筮卦，易林曰：「晉室有盤石之固，陛下有出宮之象」。海西曰：「可消伏不」？謙曰：「後年應有大將北征失利，以三萬人逆之於壽春北，此災可消」。明年秋，桓溫北討敗績，咎豫州刺史袁真不為後援，誅真，還鎮石頭，廢海西，立簡文。溫妾產息玄至艱難，謙筮曰：「公第西北六間馬敞壞，竟便產；是男兒，聲雄烈，當震動四海」。溫賜謙錢三十萬。謙云：「謙用筮錢，常患不盡，且（交）容錢處，¹⁶⁷ 請還公庫」。溫不聽，許氏以空〔櫃〕（檻）借謙貯錢；¹⁶⁸ 俄而夫人復送錢三十萬。謙從得溫錢後，日筮三卦，以供養母，以溫錢飲酒。求能酣客，不問識與不識，群聚極飲，於是遠近嗜飲客隨謙者眾。許氏常以賢人禮待謙，不計求酒之多少。謙後斷不復詣許氏，尋覓經年，忽於譙溝遇謙，曰：「家中欲得〔櫃〕（檻）用，¹⁶⁹ 先（令）〔生幸〕還家〔中〕，¹⁷⁰ 取先所寄錢」。謙笑曰：「三年飲酒數千斗，唯四十〔日〕（者）纏足相補，¹⁷¹ 〔止〕（正）餘一百半許有耳。¹⁷² 大夫不復足顧矣，吾以爪刻壁記之，寫筮便知也」。許氏試依〔其〕（自）弄筮〔之〕，

165 「天日」據歷世真仙體道通鑑卷二十一作「白日」。

166 「公」據同書補。

167 「交」字衍。

168 「櫃」據同書正。

169 「櫃」據同書正。

170 「生幸」「中」並據同書正補。

171 「日」據同書正。

172 「止」據同書正。

173 不差一文。後謙母夜亡，¹⁷⁴ 謙旦還云：「因緣盡矣」。〔安葬〕而去，¹⁷⁵ 不知所之。數日，許氏家人於落星路邊見謙臥地，始謂其醉，握手牽引，為空衣無尸也。

朱庫

朱庫者，不知何許人也。久服石春，辟穀符水，不飢不渴，強丁不老。¹⁷⁶ 庫忽云：「應得仙，剋日發」。與親舊別云：「當有迎者，單衣白韜」。須臾，有兩黃鶴下中庭，庫便度世中庭。仍有三黃鶴相隨奔向東郭外，成三黃衣道士，攜手東行，因鄉人附書與家〔人〕，¹⁷⁷ 家人看尸，唯有空殼者。

姜伯真

姜伯真者，不知何許人也。少好道，在猛山採藥，忽值仙人，使伯真平立日中，背後觀之，其心不正。仙人曰：「勤學之至，而不知心〔之〕不正為失」。¹⁷⁸ 因教之服石腦。石腦色斑，柔軟，形如小石，處所皆有，久服身熱而不渴，後遂得仙。繁陽子服之，亦得道。

173 「其」「之」據同書補正。

174 「後謙」原作「謙後」據同書正。

175 「安葬」據同書補。

176 「強丁」歷世真仙體道通鑑卷二十二作「強壯」。

177 「人」據同書補。

178 「之」據歷世真仙體道通鑑卷二十二補。